



Broj: 10/1-30-11027-4/20

Tuzla, 08.07.2020. godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16, 10/16, 5/17, 15/17, 15/19 i 9/20), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/17), postupajući po zahtjevu Visoke škole za finansije i računovodstvo FINra Tuzla, sa sjedištem u Tuzli, ulica M. Trifunovića Uče br. 9-11, 75000 Tuzla, Ministarstvo obrazovanja i nauke Tuzlanskog kantona donosi

R J E Š E N J E

1. Utvrđuje se da Visoka škola za finansije i računovodstvo FINra Tuzla sa sjedištem u Tuzli, ulica M. Trifunovića Uče br. 9-11, 75000 Tuzla, (u daljem tekstu: FINra), ispunjava uslove za izvođenje studijskog programa prvog ciklusa studija Računarstvo i informatika u trogodišnjem/četverogodišnjem trajanju – 180/240 ECTS bodova od akademske 2020/2021. godine, a koji se odnose na:

- a) *kvalitet akademskog sadržaja*
- b) *relevantnost ishoda učenja za tržište rada*
- c) *kapacitet visokoškolske ustanove da u skladu sa Standardima i normativima visokog obrazovanja provede studijski program,*
- d) *usklađenost strukture studijskog programa sa bolonjskim principima,*
- e) *usklađenost ishoda učenja sa savremenim zahtjevima u naučnoj oblasti, međunarodnim iskustvima i zahtjevima tržišta rada,*
- f) *podudarnost u većem dijelu sa studijskim programima iz najmanje tri licencirane akreditovane visokoškolske ustanove iz zemalja potpisnica Bolonjske deklaracije.*

2. FINra raspolaže potrebnim akademskim osobljem za izvođenje studijskog programa prvog ciklusa studija Računarstvo i informatika i to 11 izabranih nastavnika i asistenta sa punim radnim od toga 5 u radnom odnosu a 6 po osnovu ugovora o djelu, pored navedenog uvidom u listu stalno zaposlenih Komisija je konstatovala da FINra ima 9 nastavnika u radnom odnosu sa punim radnim vremenom, od potrebnog minimalnog broja nastavnika za realizaciju nastave u akademskoj 2020/21. godini FINra ima više od 50% nastavnika u radnom odnosu sa punim radnim vremenom, u odnosu na ukupan broj sati predavanja na svim studijskim godinama studijskog programa. Pored navedenog FINra ima i potpisane predugovore o angažmanu nastavnog osoblja u koje je Komisija izvršila uvid (15 predugovora). Na osnovu navedenog može se zaključiti da FINra raspolaže potrebnim akademskim osobljem za realizaciju studijskog programa Računarstvo i informatika u skladu sa članom 17. Standarda i normativa visokog obrazovanja Tuzlanskog kantona koji nalaže da visokoškolska ustanova treba da ima najmanje polovinu nastavnika u radnom odnosu sa punim radnim vremenom u odnosu na ukupan broj sati predavanja na svim studijskim godinama, što je po Izvještaju Komisije u potpunosti zadovoljeno. Potrebno neakademsko osoblje je angažovano u skladu sa standardima i normativima visokog obrazovanja Tuzlanskog kantona, na osnovu zaključenih Ugovora o radu.

3. FINra raspolaže neophodnim prostornim kapacitetima za izvođenje studijskog programa prvog ciklusa studija Računarstvo i informatika, pregledom objekta od strane komisije utvrđeno je da FINra zadovoljava pomenute kriterije. Ukupna raspoloživa površina objekta je 1.999,54 m², ako se u to računa i 855 m² i 538 m² u Rudaru d.o.o. s kojim FINra ima potpisan predugovor o zakupu broj: 597/20 od 03.07.2020. godine. Raspoloživa površina uključuje neophodne sale/učionice za nastavu,

računarsku salu, kabineti za akademsko osoblje, prostor za studentsku službu, te neophodni administrativni prostor.

Uzimajući u obzir normative vezane za površinu (optimalna površina iznosi 6 m², dok minimalna površina iznosi 70% optimalne) i planirani maksimalni broj studenata za upis na studijski program prvog ciklusa studija Računarstvo i informatika, kao i potrebnu površinu za studijski program koji se već izvodi na FINri, potrebna ukupna površina za rad iznosi 1.682,80 m², a ukupna raspoloživa površina na FINra iznosi 1.999,54 m², čime je po Izvještaju Komisije kriterij veaan za površinu zadovoljen.

4. Studentima I ciklusa studija na raspolaganju je biblioteka FINra sa potpisanim Ugovorom sa EBSCO Publisihing od 29.06.2019. godine i pristupom više od 16.500 knjiga i udžbenika iz oblasti finansija, računovodstva, revizije, menadžmenta, poduzetništva, bankarstva, osiguranja, standarda IT, programiranja i računarstva, ukupan broj bibliotečkih jedinica računajući i dio koji je u biblioteci u hard copyu iznos 18.488.

5. Za potrebe uspostavljanja funkcionalne organizacione jedinice „FINra“ učionice, kabineti, uredski prostori i biblioteka su opremljeni namještajem i opremom (20 računara ukupno) prema traženim standardima.

6. U skladu sa prostornim, kadrovskim, organizacionim i materijalno-tehničkim uslovima, i informatičkom opremom navedenom u Izvještaju Komisije za licenciranje daje pozitivnu ocjenu vezanu za licenciranje studijskog programa prvog ciklusa studija Računarstvo i informatika.

Obrazloženje

Ministarstvu obrazovanja i nauke Tuzlanskog kantona obratila se Visoka škola za finansije i računovodstvo FINra Tuzla sa zahtjevom za provođenje postupka licenciranja studijskog programa prvog ciklusa studija Računarstvo i informatika.

Ministarstvo obrazovanja i nauke Tuzlanskog kantona je na osnovu člana 26. stav (4) Zakona o visokom obrazovanju („Službene novine Tuzlanskog kantona“, broj: 7/16, 10/16, 5/17, 15/17 i 15/19) i člana 6. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/17) donjelo Rješenje broj: 10/1-30-11027-3/20 od 22.06.2020. godine o imenovanju Komisije za licenciranje studijskog programa prvog ciklusa studija Računarstvo i informatika na Visokoj školi za finansije i računovodstvo FINra Tuzla u sastavu: prof. dr. Samir Lemeš – predstavnik akademske zajednice, predsjednik; prof. dr. Elvir Čizmić – predstavnik akademske zajednice, član; prof. dr. Lazar Radovanović - predstavnik akademske zajednice, član; Malik Ikanović – predstavnik Ministarstva, član, Sanela Dedić – predstavnik Ministarstva, član.


Komisija je održala dva sastanka, od toga prvi konstituirajući putem e-mail komunikacije i drugi radni sastanak i Ministarstvu je dostavila Izvještaj o radu Komisije sa zapisnicima.

Komisija je na osnovu dostavljene dokumentacije i uvidom na licu mjesta konstatovala da su ispunjeni uslovi u skladu sa Zakonom o visokom obrazovanju i podzakonskim aktima za licenciranje studijskog programa prvog ciklusa studija Računarstvo i informatika na Visokoj školi za finansije i računovodstvo FINra Tuzla. Komisija je dala pozitivnu ocjenu o ispunjenosti uslova za realizaciju navedenog studijskog programa i predložila nadležnom ministarstvu izdavanje rješenja i licence o ispunjavanju uslova za izvođenje studijskog programa prvog ciklusa studija Računarstvo i informatika u trogodišnjem/četverogodišnjem trajanju – sa 180 odnosno 240 ECTS bodova, od akademske 2020/2021 godine. Na osnovu naprijed navedenog te Izvještaja Komisije od 03.07.2020. godine odlučeno je kao u dispozitivu rješenja.

Pouka o pravnom lijeku: Ovo rješenje je konačno u upravnom postupku, a protiv istog se može pokrenuti upravni spor pred nadležnim sudom u Tuzli u roku od 30 dana od dana dostavljanja. Tužba se u dva primjerka predaje sudu neposredno ili putem pošte.

DOSTAVLJENO:

1 x Visoka škola FINra Tuzla
1 x Evidencija
1 x Arhiva



MINISTRICA

Fahreta Brašnjić, prof.